



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

LIX. Markgraf Johann verkauft wiederkäuflich das Dorf Dölnitz ab die
Gebrüder von Jetz für 100 Mark Silber und 300 Rh. Gulden, am 11 Mai
1427.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

LIX. Markgraf Johann verkauft wiederkänflich das Dorf Dölnitz an die Gebrüder von Jecz für 100 Mark Silber und 300 Rh. Gulden, am 11. Mai 1427.

Wir Johans, von gots gnaden marggraff zu Brandenburg vnd Burggraff zu Nüremberg Bekennen offentlig in diesem brief, das wir mit vulbort vnfers lieben herren vnd vater recht vnd redlichen uerkaufft haben zu einem rechten widerkauffe iegenwardichliken vnfern lieben getrewen fiken, janen vnd fridrichen brudern genant von jecze vnd eren rechten erben vnser dorff dölnitze mit allen feinen zugehorungen, czinsen, pachten, renthen, dinsten, gerichtten vnd rechticheiden als das In feinen greintzen begriffen vnd gelegen ist vnd Albrecht von Büft seliger dechnisse vor gehabt vnd besessen hat, vor dreyhundert gute Reinisch gulden vnd hundert stendalsche mark silbers, die sie vns zu gnüge wolbezalt haben, der wir jn ledig vnd losz sagen mit diesem brieffe: vnd das vorgnante dorff fullen die obgnanten von jecze haben geniefsen vnd sich gebrauchen mit allen feinen gnaden vnd richtigkeiten geiflichen vnd werldlichen vngeuerlichen fredelichen vnd gerowlichen doch vnshedelichen vnser vnd vnser herschafft richtigkeit vnd dinste: vnd wenn wir ouch vnd vnser herschafft das gnante dorff weder kouffen wolden die macht wir vns behalten haben vnd wenn wir den obgnanten von jecze vnd iren erben den widerkauff auf sant Jacoffs tag acht oder virczehn tag vor oder nach vngeuerlichen uerkundigen vnd darnach uf die negefte komende vier hilge dage zu wynachten acht oder virczehn tag vor oder nach sulche vorgeschrieben dreyhundert gute Reinisch gulden vnd hundert stendalischer mark silbers in eyner Summen widergeben vnd zu gnuge bezalen, So soll das gnante dorff dölnitze vnd dieser brief vns vnd vnser herschafft wider ledig vnd losz sein vnd vns des lediglichen abtreten on geuerde. Auch fullen die obgnanten von jecz vnd ir erben die jrwonere des obgnanten dorfs dölnicz keinewisz besveren noch newigkeit auf sie setzen, sunder sie bey allen alten gewonheiten vnd gerechtigkeiten bleiben lassen on arg vnd on geuerde. Auch haben wir obgnanter marggraf Johans den obgnanten von jecz vnd iren erben auf einen rechten widerkauff uerkaufft den angeuall in dem dorffe Büft gelegen als funftheilb stücke geldes vnd funfzehen hunre, dieselben renthe geben ierlichen Jacof kerfteual, hans bizzmark, michill schulcze, tile buman, Cöppe möring vnd michill schröder dieselben renthe vnd czinse die wirdigen vnd andechtigen Catharina Ebtissinn zu dambeke vnd Ilse büft vnd Ilse osterborges zu leipgeding haben fur sibenzehn mark stendalischer werung, die wir jn fur pferde vnd scheden schuldig gewesen sein, mit folchem gedinge vnd vnterscheide, wenn vnd vf welchezeit die obgnanten frawen von todes wegen abgeen das denn die obgnanten von jecz derselben czynse vnd renthe gebrauchen vnd die jnnemen fullen so lang bizz wir oder vnser erben die obgeschriebene czinse des anualles, ob die an sie geuallen vnd komen weren oder nicht, nicht lenger lassen vnd die von jn vmb die obgeschriebene sibenzehn mark stendalischer werung wider kouffen wolden, So fullen vnd wollen wir oder vnser erben jn oder jren erben das auf sant Jacoffs tag acht oder virczehntag vor oder nach vngeuerlichen verkunden vnd vf sagen vnd denn nach der auffagung auf weynachten schirft acht oder vierzehn tag vor oder nach vngeuerlichen die obgeschriebene sibenzehn mark stendalischer werung gullich vnd wol bezalen on arg vnd on geuerde vnd wenn wir oder vnser erben den obgnanten von jecz oder iren erben die obgeschriebene sibenzehn mark stendalischer werung bezalt haben als obgeschrieben steet, So fullen sie vns oder vnfern erben der czinse des anualles er sey an sey komen oder nicht genczlichen abtreten vnd diesen vnfern brief widergeben on arg vnd on geuerde. Zu urkunde geben wir jn diesen brief mit vnserm anhangenden Infigell uerfigelt vnd geben zu Arnburg, am Sonntag, als man in der heiligen kirchen singet jubilate, Nach Cristi vnfers herren geburte virczehnhundert jar vnd darnach in den sibenvndczweinczigsten iaren.

Nach dem Copialbuche des Markgrafen Johann fol. 82.